

A portrait of a middle-aged man with a mustache and glasses, wearing a dark blue suit, white shirt, and blue tie. He is looking slightly to the left of the camera. The background is a light blue wall.

Malengo na Mustakabali

wangu kwa Jumuiya ya Afrika
na Afrika kwa Ujumla

Mgombea Urais wa Tume ya
Umoja wa Afrika

Malengo na mustakabali wangu kwa Jumuiya ya Afrika na Afrika kwa Ujumla

Utangulizi

Ninawasilisha kwenu malengo yangu makubwa kwa Afrika kama mgombea urais wa Jumuiya ya Umoja wa Afrika (AU). Malengo haya yana nia ya kuifanya Afrika kuwa bara jumuiishi, lenye ustawi na amani, linaloongozwa na maadili ya utofauti, usawa wa kijinsia, uwazi na uadilifu. Kwa msukumo wa ajenda 2063 na mpango wake wa pili wa miaka kumi, nimedhamiria kuendeleza mageuzi ya kitaasisi ili kufikia malengo yetu kwa pamoja. Uongozi wangu utazingatia utawala bora, demokrasia huru, amani, usalama, maendeleo ya kiuchumi na kijamii, miundombinu, mazingira, vijana, usawa wa kijinsia, ughaibuni wa Afrika na nafasi ya Afrika katika anga za kimataifa.

Uongozi na Uwajibikaji

Nimedhamiria kutoa uongozi ulio wazi na thabiti ili kuendeleza nia ya AU. Nitatetea mbinu shirikishi na jumuiishi, kusherehekea utofauti, sifa na ujuzi. Itakua muhimu kukuza utamaduni wa uwajibikaji na uwazi. Nitahakikisha uzingatiaji wa sheria za fedha na udhibiti, na kuripoti kwa uthabiti shughuli za jumuiya. Utawala bora na unaowajibika ni muhimu katika kuimarisha misingi yetu ya kitaasisi.

Utawala na Demokrasia

Nitasimamia ukuzaji wa demokrasia na kulaani mabadiliko yoyote ya mamlaka kinyume na katiba ni muhimu. Ninakusudia kutetea taasisi za kidemokrasia na kuhakikisha utawala wa haki na uwazi. Nitasimamia na kuheshimu taratibu za kidemokrasia na kukuza haki za kimsingi za raia ambazo ni muhimu kwa utulivu na uhalali wa serikali za Kiafrika.

Kuimarisha Uwezo wa Kitaasisi

Kuimarisha uwezo wa kitaasisi wa AU ni jambo la msingi katika kutimiza matarajio yetu barani Afrika. Ni muhimu kufanya michakato ya ndani kuwa ya kisasa na kuwekeza katika ukuzaji wa ujuzi ili kuhakikisha utendaji kazi bora. Ushirikiano na Nchi Wanachama na washirika wa kimataifa ni muhimu. Uwazi na uwajibikaji vitakuwa kiini cha juhudi zetu, tukiwa na utaratibu madhubuti wa ufuatiliaji na tathmini ili kuhakikisha matumizi yanayowajibika.

Kukuza Amani na Usalama

Amani na usalama ni muhimu kwa maendeleo endelevu ya bara la Afrika. Kwa kuchochewa na ajenda ya kutokomeza matumizi ya bunduki ifikapo 2030, ninakusudia kuzidisha sera zetu ili kuzuia migogoro na kukuza uthabiti. Kwa kuzingatia uzoefu wangu wa kidiplomasia, nitaimarisha taratibu za upatanishi na usuluhishi, na kushughulikia vyanzo vya migogoro, kama vile umaskini na ukosefu wa usawa. Ushirikiano na Nchi Wanachama, mashirika ya kikanda na kimataifa, na mashirika ya kiraia itakuwa muhimu katika kujenga mustakabali wa amani.

Maendeleo ya Kiuchumi na Kijamii

Ninatambua maendeleo yaliyopatikana katika afya, elimu na teknolojia, na vile vile changamoto zinazoendelea. Nimedhamiria kuimarisha uhusiano kati ya jumuiya na tume za Kiuchumi katika Mikoa mbalimbali ili kukuza maendeleo ya kiuchumi na kijamii. Nitawekeza katika mifumo thabiti ya afya, programu za lishe, na elimu katika viwango vyote, nikitilia mkazo ujuzi wa kiufundi na uvumbuzi. Nitakuza utafiti wa kisayansi na uvumbuzi ambavyo ni muhimu katika kutatua changamoto za bara.

Maendeleo ya Miundombinu

Nimedhamiria kufuatilia miradi ya kimkakati kama vile Eneo Huru la Biashara la Bara la Afrika (AfCFTA) na maendeleo ya miundombinu, kama vile reli ya kuunganisha na bwawa la kuzalisha umeme la DINGA. Ushirikiano na sekta ya kibinafsi itakuwa muhimu ili kukusanya rasilimali zinazohitajika. Lengo langu ni kuchochea ukuaji wa uchumi kupitia soko la usafirishaji na usambazaji wa umeme.

Changamoto za Mazingira

Bara la Afrika linakabiliwa na changamoto za mazingira na hali ya hewa, ni muhimu kukuza sera za mpito kwa uchumi wa kijani. Nitasaidia uwekezaji katika nishati mbadala, ulinzi wa mfumo wa kiikolojia, na kilimo endelevu. Ushirikiano wa kikanda na kimataifa utaimarishwa ili kukusanya rasilimali muhimu za kifedha na teknolojia. Ulinzi wa mazingira na mapambano dhidi ya mabadiliko ya hali ya hewa yatakuwa kiini cha ajenda yetu ya bara.

Kujitolea kwa Vijana, Ajira, Usawa wa Jinsia na Diaspora ya Afrika

Vijana wa Kiafrika ni mustakabali wa bara letu. Nimekusudia kusaidia elimu ya Kiafrika, sera za ajira na ujasiriamali ili kufungua uwezo kamili wa vijana. Mapambano dhidi ya ukosefu wa ajira yatakuwa kipaumbele na sera zinazofaa kwa uundaji wa nafasi za kazi na msaada kwa ujasiriamali wa ndani. Nitatetea usawa wa kijinsia kwa kuhakikisha upatikanaji sawa wa elimu, afya, ajira na ushiriki wa kisiasa kwa wanawake. Diaspora ya Afrika ni rasilimali muhimu kwa maendeleo ya Afrika. Nitafanya kazi pamoja na diaspora ili kuimarisha jukumu lake katika bara la Afrika.

Ukuzaji wa Afrika kwenye Jukwaa la Kimataifa

Nimekusudia kutetea uwakilishi sawa wa Afrika katika taasisi za kimataifa na kuimarisha jukumu lake katika vikao vya kimataifa. Afrika lazima iwe na ushawishi mkubwa katika mijadala ya sera ya kimataifa, kuendeleza maslahi yake ya kiuchumi na maendeleo.

Hitimisho

Nina imani kuwa tunaweza kugeuza dira hii kuwa ukweli, na kuifanya Afrika kuwa kinara wa matumaini na maendeleo. Kwa pamoja, tunaweza kushinda changamoto na kujenga mustakabali bora kwa Waafrika wote, tukiweka bara letu katika kiini cha mabadiliko ya kimataifa. Tuungane kwa siku zijazo ambapo kila raia wa Afrika atatambua uwezo wake kamili katika mazingira ya amani, ustawi na utu.

